

Պատրիարքութիւն Պողոսի , կենսագրութիւն նորին : Ապու Տահայ :
 Կատարած Յայպէի : Սոյլ : Մահ Պողոսի : Ընտրութիւն Յովակիմ՝ վար-
 զապետի : Վէճ՝ ընդ Լատինաց վասն գերեզմանասան որ 'ի Արնն :

Չկնի վախճանի Կարապետ Եպիսկոպոսի Գանձակեց-
 ւոյ , ընտրեցաւ 'ի նմին ամի յԱթու Պատրիարքութեան
 Երուսաղէմի Պողոս Եպիսկոպոս Վանցին , մին 'ի գլխաւոր
 միտքանաց Աթոռոյն , և հաստատեցաւ իշխանութիւն նո-
 րա Արքունի հրովարտակաւ . ՎՎՎ (1768) 'ի 12 Ապրիլի .
 Ժամանակ նեղութեան և չարչարանաց Յոսպէս առ Ապու
 Տահայիւ և Ալի Պէկիւ :

Զկենսագրութիւն Պողոսի քաղեմք 'ի ձեռագրէ , զոր
 ինքն գրեալ է : Սա էր 'ի վասպուրական աշխարհէ և 'ի քա-
 ղաքէն Վանայ , անուն հօրն Մարգարա , և մօրն Փերուզայ .
 'ի 6 ամեայ հասակին մեռաւ մայրն : Եւ Հայր նորին եկեալ
 էր յԵրուսաղէմ յաւուրս Շղթայակրի եւ յարեալ 'ի սէր
 տնօրինական Ս . Տեղեաց , և ապա դարձեալ յաշխարհ իւր ,
 և յետ ամաց ինչ եկն յԵրուսաղէմ ընդ բազմութեան ուխ-
 տաւորաց , եւ 'ի ճանապարհին ընկզմեցան բեռինք ուխ-
 տաւորաց 'ի գետն Եփրատ և ոմանք վնասեցան իսկ . եւ
 ապա դիմեալ 'ի Բերիա 'ի Դամասկոս , հասին յԵրուսա-
 ղէմ , որք էին ուխտաւորք թուով անձինք իրբեւ 700 .
 'ի սոյն կարաւանի էր և Առաջնորդ Ս . Կարապետի Գլակայ
 վանաց , Աբրահամ Եպիսկոպոս , որ էր Եղբօր որդի Գրի-
 գորի Պատրիարքի և աշակերտ նորին , որ և նստաւ յետոյ
 Կաթուղիկոս Հայոց յԷջմիածին . Պալատցի Յակօբ վարդա-
 պետ , և Գարբիէլ վարդապետ որ եղեւ առաջնորդ Պրու-
 սայու , և այլ երեք վարդապետք . իսկ բազմութիւն ուխ-
 տաւորաց զարդարեալ էին 'ի զէնս և 'ի զարդս երիվարօք
 և հեծեւոյք , որոց ընկերացաւ և Կուսակալն Դամասկոսի
 Իսմայիլ Փաշայ՝ թողեալ զգօրս իւր 'ի Նային : Եւ եղեւ
 'ի հասանիլ սոցա յԵրուսաղէմ , Գրիգոր Պատրիարք միջնոր-
 դութեամբ Աբրահամ Եպիսկոպոսի հաղիւ ուրեմն զիջաւ